



REPUBLIKA E SHQIPERISE  
GJYKATA E RRETHIT GJYQESOR

TIRANË

NR. AKTI 2659

NR. VENDIMI 2126



REPUBLIKA E SHQIPËRISË  
GJYKATA E RRETHIT GJYQËSOR

TIRANË

Nr. 2659 Regj.Themeltar

Nr. 2126

Vendimi

Dt.Regjistrimi 23.06.2021

Dt.08.07.2021

V E N D I M

“NË EMËR TË REPUBLIKËS”

Gjykata e Rrethit Gjyqësor Tiranë e përbërë nga:

**Gjyqtar: SOKOL PASHO**

Asistuar prej sekretares gjyqësore **Besarda Allaraj**, sot më datë **08.07.2021**, mori në shqyrtim në seancë gjyqësore publike, çështjen penale me **Nr. 2659** Akti, që i përket:

**KËRKUES:**

Prokuroria e Rrethit Gjyqësor Tiranë, përfaqësuar nga prokurori Adriano Dyrmishi.

**I PANDEHUR:**

**Klodian Rrapo**, me kartë ID- I 01210101 R, I biri I Xhevit dhe Theodora, dtl. 10.12.1980, lindur dhe banues në Tiranë, rruga “Milto Tutulani”, pall. 1, kati 9, ap. 2, i padënuar më pare, beqar, me shtetësi dhe kombësi shqipëtar dhe kërkon të përfaqësohet edhe në mungesë të tij nga av.Argers Xhepa nr. 8421 liçence dhe NIPT L 61521049 J, anëtar i Dhomës së Avokatisë Tiranë.

**AKUZUAR:**

Për veprën penale “Prodhimi dhe shitja e narkotikëve”, të parashikuar nga neni 283/1 i K.Penal.

Gjykata, pasi pranoi kërkesën e të pandeurit për gjykim të shkurtuar dhe në përfundim dëgjoi prokurorin që kërkoi:

### **Prokurori Adriano Dyrmishi :**

- Deklarimin fajtor të të pandehurit Klodian Rrapo per kryerjen e veprës penale të “Prodhim dhe shitje e lëndëve narkotike”, parashikuar nga neni 283/1 i K.Penal dhe dënimin e tij me 5 ( pesë ) vite burgim.
- Aplikimin e nenit 406 të K.Pr.Penal duke i zbritur të pandehurit Enver Duka 1/3 e dënimit dhe dënimin e tij me 3 (tre) vite e 4 (katër) muaj burgim.
- Në zbatim të nenit 59 të K.Penal pezullimin e ekzekutimit të vendimit të dënimit me burgim dhe vënien në provë të tij për një periudhë kohe prej 3 (tre)vitesh. Pagimin e shpenzimeve procedurale në ngarkim të të pandehurit.

### **I pandehuri Klodian Rrapo dhe mbrojtësi i tij, av.Argers Xhepa:**

- Kërkojmë një dënim sa më të ulët dhe aplikimin e nenit 59 Kodi Penal.

## **V E R E N**

Se Prokuroria i është drejtuar Gjykates me kërkesën nr. 1574 Akti, datë 28.05.2021 regjistrimi me objekt: Dërgimin në gjyq të çështjes penale që i përket procedimit penal me nr. 1634 të vitit 2021, në ngarkim të të pandehurit Klodian Rrapo, i akuzuar për veprën penale “Prodhim dhe shitje e narkotikëve”, të parashikuar nga neni 283/1 i K.Penal, duke i bashkëlidhur kërkeses edhe aktet dhe provat që përmban fashikulli përkatës.

I pandehuri gjatë hetimeve paraprake nuk ka paraqitur kontestime, ndërsa në seancën paraprake, asistuar edhe nga avokati i tij, kërkoi gjykim të shkurtuar. Gjykata pasi çmoi se çështja mund të zgjidhej në gjendjen në të cilën ndodhen aktet, vendosi pranimin e kërkesës dhe proçedoi me gjykim të shkurtuar.

Nga shqyrtimi i akteve rezultoi e provuar se, pas informacioneve se shtetasi Klodian Rrapo merret me shitjen e lëndëve narkotike, në datë 03.03.2021 rreth orës 11:30, nga forcat e policisë është organizuar shërbim me qëllim verifikimin e këtij informacioni, ku në rrugën "Adem Jashari" është konstatuar duke ecur në këmbë shtetasi Klodian Rapo, i cili u përshëndet me një shtetas i cili po qendronte në trotuar, në krah të "Union Bank", i cili u identifikua më vonë si shtetasi Martin Shamblli. Menjëherë nga ana e policisë është bërë ndërhyrja dhe neutralizimi i shtetasit Klodian Rapo.

Gjatë kontrollit fizik të këtij shtetasi, në xhepin e pasëm të pantallonave, iu konstatuan 3 doza të mbështjella me letër plastike, të mbyllura me djegie ku brenda tyre kishte një material pluhur me ngjyre kafe të errët të dyshuar si ajo e lëndës narkotike e llojit heroinë. Shtetasi Klodian Rapo së bashku me shtetasin Martin Shamblli u shoqëruan në ambjentet e Drejtorisë së Policisë Tiranë për veprime të metejshme. Pasi u bë sekuestrimi, u bë peshimi i lëndës së dyshuar narkotike të gjetur shtetasit Klodian Rapo dhe rezultoi me peshë totale 0.8 (zero pike tete) gram, e cila është dërguar per ekspertim kimik prane IPSH. I është marrë kampioni i urinës shtetasit Klodian Rapo dhe është dërguar per ekspertim prane IML.

Është pyetur në cilësinë e personit ndaj të cilit zhvillohen hetime shtetasi Klodian Rapo, i cili deklaroi se është përdorues i lëndës narkotike të llojit heroine prej rreth 3 vitesh dhe se lënda narkotike e cila i është gjetur e kishte për përdorim vetjak. Në vijim, shtetasi Klodian Rapo deklaroi se lëndën narkotike e ka blerë tek një person i racës rome, në zonën e Medresesë,

për shumën 3000 leke dhe konkretisht, mbrapa xhamisë, pasi aty qendrojnë gjithmonë djem të cilët konsumojnë heroinë dhe për këtë arsye sa herë që ka nevojë për lëndë narkotike ai shkon të blejë në këtë zonë.

Është administruar akti i ekspertimit toksikologjiko-ligjor nr. 636 regj date 26.03.2021 nga ku ka rezultuar se në mostren e urines se shtetasit Klodian Rrapo nuk është zbuluar prania e metabolizmit të heroinës në organizmin e njeriut. Në përgjigje të aktit të ekspertimit kimik të lëndës së sekuestruar nr.3810 date 26.04.2021 ka rezultuar se:

- Analiza me GC/MS për pluhurat objekt ekspertimi treguan për praninë e heroinës.
- Peshë e pluhurave në total pa ambalazh objekt ekspertimi është 0.7108 grame.

**Këto rrethanë u provuan me :**

- Informacion për referimin e veprës penale.
- Procesverbale të kapjes në flagrante.
- Procesverbale kontrolli.
- Procesverbal sekuestrimi.
- Procesverbale për marrjen e kampionit të urines.
- Procesverbale peshimi të lëndës së sekuestruar.
- Vendime për ekspertim kimik të lëndës dhe vendime për ekspertim të urines së shtetasit.
- Raporte ngjarje dhe Raport shtetëror.
- Akt ekspertimi kimik të lëndës.
- Akt ekspertimi toksikologjik.
- Akte të tjera procedurale të gjendura në fshikull.

Mbi bazën e këtyre fakteve nga akuza u kërkua deklarimi fajtor i të pandehurit Klodian Rrapo, për kryerjen e veprës penale “Prodhimi dhe shitja e narkotikeve”, të parashikuar nga neni 283/1 i K.Penal dhe dënimi i tij, në masën e përcaktuar në pjesën hyrëse të këtij vendimi, duke parashtruar se me veprimet e tij të kryera me dashje, i pandehuri ka konsumuar elementët e veprës penale të parashikuar nga neni 283/1 të K.Penal.

**Arsyetimi i Gjykatës, argumentat juridike, interpretimi dispozitive penale, analiza e provave.**

Në këto rrethana, e ndodhur përpara këtyre parashtrimeve, përcaktimit të faktit dhe provave në gjykim, Gjykata çmon se veprimet e të pandehurit Klodian Rrapo, plotësojnë të gjithë elementët që kërkon legjislacioni penal shqiptar, për t’i cilësuar këto veprime si elementë të figurës së veprës penale “Prodhimi dhe shitja e narkotikeve”, në formën e mbajtjes, të parashikuar nga neni 283/1 i Kodit Penal i Republikës së Shqipërisë.

**Në përmbajtjen e nenit 283 të K.Penal, të miratuar me Ligjin Nr.7895, datë 27/01/1995, sanksionohet se:**

*“Shitja, ofrimi për shitje, dhënia ose marrja në çdo formë, shpërndarja, tregtimi, transportimi, dërgimi, dorezimi si dhe mbajtja, përveç rastit të përdorimit vetjak dhe në doza të vogla, të substancave narkotike dhe psikotrope, si edhe i farerave të bimëve narkotike, në kundërshtim me ligjin, ose në kapërcim të përmbajtjes së tyre, denohet me burgim nga pesë gjer në dhjetë vjet.*”

*Po kjo veper, kur kryhet ne bashkëpunim ose me shume se nje here, denohet me burgim nga shtate gjer ne pesembedhjete vjet.*

*Organizimi, drejtimi apo financimi i kësaj veprimtarie, denohen me burgim nga dhjete gjer ne njezet vjet.”*

Sipas kësaj dispozite, veprimet që çenojnë marrëdhëniet e sipërpërmendura passjellin përgjegjësi penale.

Këto veprime, për t'u cilësuar si vepër penale nga ligji, duhet që:

*-të kenë prekur marrëdhëniet juridike (dispozitat përkatëse ligjore) që rregullojnë shitjen, blerjen, shpërndarjen transportimin, mbajtjen apo përdorimin vetjak të lëndëve narkotike;*

*-nga ana objektive këto veprime duhet të jenë aktive, me anë të të cilave personi të kryejë shitje, blerje, **mbajtje**, transportim, tregëtim, shpërndarje, dorëzim të lëndëve narkotike, në mënyrë të kundraligjshme e shoqërisht të rrezikshme;*

*-subjekti që kryen këto veprime duhet të ketë mbushur moshën për përgjegjësi penale, në rastin konkret të ketë mbushur 14 vjeç;*

*-Veprimet e autorit të veprës penale duhet të kryhet me dashje direkte.*

**Objekti i veprës penale**, janë marrëdhëniet juridike të vendosura me Ligjin Nr.7975, datë 26/07/1995 “Për barnat narkotike dhe psikotrope”, për të siguruar rendin dhe sigurinë publike, veçanërisht jetën dhe shëndetin e personit, rregjimin juridik për shitjen, dhënien, marrjen dhe mbajtjen e substancave narkotike dhe psikotrope, të mbrojtura me legjislacionin tonë penal nga veprimet apo mosveprimet kriminale.

**Nga ana objektive** kjo vepër penale është konsumuar nga i pandehuri Klodian Rrapo, me veprimet e kundersligjshme të manifestuar në formën e mbajtjes së lëndës narkotike në sasinë prej me peshë 0.7108 gram, që sipas Aktit të Ekspertimit kimik nr. 3810 datë 26.04.2021 12543, është “Heroinë”.

**Nga ana subjektive**, vepra penale është kryer nga i pandehuri me faj në formën e dashjes direkte, pasi i pandehuri ka parashikuar kundërligjshmërinë e veprimeve të tij dhe pasojat e veprës.

**Subjekt** i kryerjes së kësaj vepre penale është i pandehuri Klodian Rrapo, që nga hetimi gjyqësor rezultoi të jetë i përgjegjshëm para ligjit penal dhe ka mbushur moshën për përgjegjësi penale.

Duke pasur parasysh sa më sipër Gjykata çmon se, i pandehuri nuq rezulton të jetë përdorues i lëndës narkotike që i pandehuri mbante në mënyrë të kundraligjshme si dhe praninë e më shumë se një doze të vetme, Gjykata arrin në konkluzionin se i pandehuri Klodian Rrapo, ka konsumuar në tërësi me sjelljen e tij të kundraligjshme anën objektive të veprës penale të prodhimit dhe shitjes së lëndëve narkotike të parashikuar nga neni 283 paragrafi i parë i Kodit Penal.

Referuar, analizes juridike si më sipër, Gjykata vlerëson se për shkak të bindjes së saj të krijuar mbi provat e administruara në gjykim mbi fajësinë e plotë të të pandehurit Klodian Rrapo, në veprimtarinë e kundërligjshme të lidhur me mbajtjen e lëndës narkotike të sekuestruar, të analizuar më sipër, në rastin konkret vepra penale për të cilën akuzohet i pandehuri, është kualifikuar drejt nga organi i akuzës sipas cilësimit të duhur juridik, të konkluduar nga konsumimi plotësisht prej të pandehurit i të gjithë elementeve të figurës së veprës penale, të parashikuar nga neni 283/1 i Kodit Penal.

Veprimet e kryera nga i pandehuri lidhur me mbajtjen e lëndës narkotike, janë në kundërshtim me rregullimin e parashikuar në dispozitat e Ligjit Nr.7975, datë 26/07/1995 “Për barnat narkotike dhe psikotrope”, ligj i cili e klasifikon “Heroinën”, si lëndë narkotike.

Lidhur me llojin dhe masën e dënimit që duhet të caktohet për të pandehurin Klodian Rrapo, Gjykata merr në konsideratë rrezikshmërinë shoqërore të veprës penale e reflektuar në rëndësinë e marrëdhënieve juridike që prek, menyrën dhe formën e kryerjes së veprës penale.

Gjykata bazuar në nenet 47, 48, 49 të K.Penal, merr parasysh, shkallën dhe formën e fajit të të pandehurit në kryerjen e veprës penale, rrezikshmërinë shoqërore të të pandehurit, i cili nuk ka precedent penal për kryerjen e ndonjë veprë tjetër penale (siç rezulton nga vërtetimi i gjendjes gjyqesore), sjelljen e tij pas kryerjes së veprës penale, pendimin e thellë për veprën e kryer.

Gjithsesi, në një vlerësim të hollësishëm të përmbajtjes, konstatimeve si dhe të të gjitha rrethanave të kryerjes së veprës penale nga i pandehuri, Gjykata konkludoi se lloji i dënimit me burgim për të pandehurin Klodian Rrapo, i kërkuar nga organi i akuzës është në raport të drejtë me vlerësimin e rrethanave të kryerjes së veprës penale dhe do të realizojë njëkohësisht jo vetëm qëllimin e ndëshkimit të të pandehurit për veprën penale të kryer, por edhe atë të rehabilitimit, edukimit dhe riintegritimit të të pandehurit në të ardhme në shoqëri.

Gjykata, duke marrë në vlerësim të veçantë rrezikshmerinë e pakët të të pandehurit, rrethanat e kryerjes së veprës (sasia e vogël e lëndës narkotike), si dhe sjelljen e tij pas kryerjes se veprës penale nga ku rezulton se i pandehuri e ka pranuar fajësinë, si dhe pendimin e thellë, në respektim të kërkesave të nenit 59 të K.Penal (i ndryshuar), vlerëson njëkohësisht të aplikojë ndaj të pandehurit Klodian Rrapo, dënimin alternativ të “Pezullimit të ekzekutimit të vendimit penal”, të kërkuar edhe nga prokurori dhe vënien në kohë prove të tij për një afat prej 3 (tre) vjetësh.

**“Pezullimi i ekzekutimit të vendimit me burgim dhe vënia në provë.”** ( I dryshuar me **Ligjin** Nr. 36/2017, Për Disa Shtesa dhe Ndryshime në Ligjin Nr. 7895, datë 27.1.1995, “Kodi Penal i Republikës së Shqipërisë”, i Ndryshuar.

**Neni 59 i K.Penal, parashikon se: “Për shkak të rrezikshmërisë së pakët të personit, moshës, kushteve shëndetësore apo mendore, mënyrës së jetesës dhe të nevojave, veçanërisht atyre që lidhen me familjen, shkollimin ose punën, rrethanave të kryerjes së veprës penale, si dhe të sjelljes pas kryerjes së veprës penale, gjykata, kur jep dënim me burg deri në pesë vjet, mund të urdhëroj, që i dënuari të mbajë kontakte me shërbimin e provës dhe të vihet në provë, duke pezulluar ekzekutimin e dënimit, me kusht që gjatë kohës së provës të mos kryejë veprë tjetër penale.**

**Gjykata urdhëron që i dënuari të përmbushë një apo më shumë detyrime, të parashikuara në nenin 60 të këtij Kodi.**

**Për dënimet e dhëna deri në dy vjet burgim, të pezulluara nga gjykata, afati i provës është sa dyfishi i kohës së dënimit me burgim të dhënë nga gjykata.”.**

**Afati i provës, me përjashtim të rregullit të parashikuar në paragrafin 3 të këtij neni, është 24 muaj deri në 5 vjet. Afati i provës fillon, nga e nesërmja shpalljes së vendimit të gjykatës që ka dhënë vendim për pezullimin e dënimit me burgim. Afati i provës mund të shkurtohet ose zgjatet në varësi të mënyrës së ekzekutimit të provës dhe kushteve personale të të dënuarit, por pa cënuar afatin minimal dhe maksimal të parashikuar në këtë paragraf.”.**

*Gjykata e urdhëron të dënuarin të mbajë kontakte me Shërbimin e Provës gjatë periudhës së provës dhe të përmbushë një ose disa nga detyrimet e parashikuara në nenin 60 të këtij Kodi. Kur i dënuari nuk mban kontakte me Shërbimin e Provës ose kur nuk i përmbush detyrimet e parashikuara në nenin 60 të këtij Kodi, të urdhëruara nga gjykata, kjo e fundit vendos zëvendësimin e dënimit të parë me një dënim tjetër, zgjatjen e afatit të mbikëqyrjes gjatë periudhës së provës ose revokimin e vendimin për lirim para kohe me kusht.”.*

Gjykata në bazë të nenit 60/a dhe nenit 60/9 të K.Penal, urdhëron të pandehurin të mos shoqërohet me persona të dënuar.

Për sa i përket shpenzimeve gjyqësore ato duhet t'i ngarkohen të pandehurit, pasi atij i referohet dënimi në zbatim të nenit 393 të K.Pr.Penale.

Për sa u analizua u provua me pretendimet e palëve në seancë dhe provat shkresore të ndodhura në dosje pjesë përbërëse e fashikullit gjyqësor.

### **PËR KËTO ARSYE**

Gjykata në veshtrim të neneve 379, 384, 390, 403, 405 e 406 të K.Pr.Penale dhe neneve 283/1 e 59 të Kodit Penal ( i ndryshuar), Gjykata:

### **V E N D O S I:**

- Deklarimin fajtor të të pandehurit Klodian Rrapo, për kryerjen e veprës penale “Prodhimi dhe shitja e narkotikëve”, të parashikuar nga neni 283/1 i Kodit Penal dhe dënimin e tij, me 5 (pesë) vite burgim.
- Në zbatim të nenit 406/1 të K.Pr.Penale, i zbritet 1/3 e dënimit, duke e dënuar përfundimisht të pandehurin Klodian Rrapo, me 3 (tre) vite e 4 (katër) muaj burgim.
- Në bazë të nenit 59 të K.Penal dhe 61 të K.Penal, urdhërohet pezullimi i ekzekutimit të dënimit me burgim për një kohë prove prej 3 (tre) vite, me kusht që i pandehuri gjatë kohës së provës të mos kryejë vepër tjetër penale dhe të mbajë kontakte me Zyrën Vendore, të Shërbimit të Provës, Tiranë.
- Afati i provës fillon nga e nesërmja e shpalljes së vendimit.
- Në bazë të nenit 60/9 të K.Penal, urdhërohet i pandehuri që të mos shoqërohet me persona të dënuar, gjatë kohës së provës.
- Shpenzimet proceduriale të fazës së hetimit paraprak, si dhe shpenzimet gjyqësore i ngarkohen të pandehurit.
- Kundër këtij vendimi lejohet ankimi në Gjykatën e Apelit Tiranë, brënda 15 (pesëmbëdhjetë) ditëve, duke filluar ky afat nga e nesërmja e njoftimit të këtij vendimi.
- U shpall sot në Tiranë, më datë 08.07.2021.

**Sekretare**

**Gjyqtar**

**Besarda ALLARAJ**

**Sokol PASHO**

**Shpenzimet të Prokurorisë**

**Total 2000 lekë**

**Shpenzimet gjyqësore**

**Njoftime 150 lekë**